



Broj: 01-50-1-2504-2/25

Sarajevo: 30. 7. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30-07-2025			
Organizaciona jedinica	Klasifikaciona oznaka	Zahtjevni broj	Broj priloga
01-50-1-	2504-2/25		

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23 i 50/24) postavljam

**DOPUNSKO ZASTUPNIČKO PITANJE ZA
TUŽILAŠTVO BOSNE I HERCEGOVINE
(Zastupničko pitanje broj 50-1-692-1/24 od 28.05.2024.)**

1. Zbog čega Tužilaštvo Bosne i Hercegovine, protivno odredbama Zakona o krivičnom postupku Bosne i Hercegovine, ni nakon deset mjeseci nije donijelo naredbu o pokretanju istrage u predmetu visoke korupcije, niti je postupajući tužilac donio naredbu o neprovođenju istrage i o tome obavijestio podnosioca krivične prijave, vezano za krivičnu prijavu koju sam podnio Tužilaštvu Bosne i Hercegovine dana 3. oktobra 2024. godine protiv članova Upravnog odbora Uprave za indirektno oporezivanje Bosne i Hercegovine?

Napominjem da je prijava zavedena u krivični predmet s poslovnim brojem: T20 0 KTK 0026097 24.

2. Potrebno je da mi dostavite ime i prezime postupajućeg tužioca, kako bih protiv istog podnio pritužbu Uredu disciplinskog tužioca Visokog sudskog i tužilačkog vijeća Bosne i Hercegovine, u skladu s čl. 64. i 66. Zakona o Visokom sudskom i tužilačkom vijeću Bosne i Hercegovine.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno.

Obrazloženje

Tužilaštvu Bosne i Hercegovine sam dana 3. oktobra 2024. godine podnio krivičnu prijavu protiv članova Upravnog odbora Uprave za indirektno oporezivanje Bosne i Hercegovine zbog osnova sumnje da su izvršili krivično djelo “zloupotreba službenog položaja ili ovlaštenja” iz člana 220. Krivičnog zakona Bosne i Hercegovine na način da su Federaciju Bosne i Hercegovine oštetili za oko 370 miliona KM, a u korist Republike Srpske.

Na moje dopunsko zastupničko pitanje od 28. maja 2025. godine, dostavljen mi je 25. juna 2025. godine odgovor glavnog tužioca g. Kajganića u kojem me obavještava da postupajući tužilac vrši provjere navoda iz predmetne prijave.

Nevjerovatno je da Tužilaštvo Bosne i Hercegovine ni nakon 10 mjeseci nije donijelo naredbu o pokretanju istrage u ovom predmetu visoke korupcije niti je postupajući tužilac eventualno donio naredbu o neprovođenju istrage i o tome obavijestio podnosioca krivične prijave.

Zbog svega navedenog, smatram da se radi o gruboj povredi službene dužnosti postupajućeg tužioca i protiv istog ću podnijeti pritužbu Uredu disciplinskog tužioca Visokog sudskog i tužilačkog vijeća Bosne i Hercegovine u skladu s čl. 64. i 66. Zakona o Visokom sudskom i tužilačkom vijeću Bosne i Hercegovine.

S poštovanjem,

ZASTUPNIK PS BiH
Šemsudin Mehmedović

